



繆思風采

## 詩詞創作

● 張垣鐸\*

### 詠江雨堂

江河不廢流千古，雨露勻和潤眾生。堂構巍巍真氣象，坐看皓月步中庭。

### 贈假日專班畢業生

千里有緣聚一堂，南臺假日好時光。鐸聲細細絃歌響，滿樹鮮花朵朵香。

### 南臺偶得

文炳館成日，南臺逐載新。青青六甲頂，桃李吐紛纒。

\* 張垣鐸，南台科技大學通識教育中心人文藝術組講師。





## 憶江南——鄉村四詠

### 其一 春耕

鄉村好，最憶是春耕。荷耒黃犢翻舊土，把鋤農婦播新生。布穀唱清平。

### 其二 秋收

鄉村好，最愛是秋收。莊稼困倉農事了，等閒風月等閒遊。無愁也無憂。

### 其三 村翁

鄉村好，最敬是村翁。把酒滄桑斜照裏，警言醒世仰高風。古道照華容。

### 其四 風情

鄉村好，空氣最清新。風土民情謚篤厚，守望相助一家人。能不愛鄉村。

## 鷓鴣天——遣懷

寒月清輝滿畫樓。冷風不解自悠遊。形非槁木情難遣，一盞秋燈多少愁。  
卅載事，卅年憂。卅年面壁枉修求。長林新翠凋零後，何處飛來三兩鷗。

